### AUSPICATISSIME NOZZE

# ROTA - ZUCCHERI



### ALCUNI

# AVVENIMENTI DEL SECOLO XV

ANNOTATI

## DA GIOVANNI DA SAN VITO

CON AGGIUNTE POSTERIORI.



U D I N E
TIP. DI GIUSEPPE SEITZ, ED.
1865.

### PAOLO GIUNIO ZUCCHERI

Pregiatissimo Signore,

In questo giorno felicissimo in cui la vostra diletta figlia Adelia s' unisce in matrimonio all' egregio conte Giuseppe Rota, permettete che vi presenti in uno ai miei auguri, alcune Memorie Storiche lusciate da un nostro concittadino.

A voi che tanto amate il vostro paese non riuscirà sgradito questo ricordo del passato, e presentato da Voi agli Sposi questo tenue mio tributo sarà doppiamente accetto.

Vive sempre nell'animo mio la ricordanza della vostra bontà, ma con essa vive e vivrà sempre il più sincero senso di gratitudine, a dimostrazione del quale ho colta questa faustissima occasione.

Rinovandovi in fine le espressioni del mio rispetto, mi pregio di poter segnarmi

vostro devotissimo servo Giov. Battista Tramontini.

S. Vito al Tagliamento, febbraio 1865.

#### Cronaca di Giovanni da San Vito

con aggiunte.

1420. La Patria del Friul era sotto lo Patriarca Duca Tech, et in lo ditto millesimo se rese alla Signoria di Venetia, et era Principe Messer Thomas Mocenigo. Lo primo Luogotenente fu de Cà Morosini.

Item. Feltro se rese in lo ditto millesimo. El primo Podestà fu de Cà Capello.

Item. Dietro M. Thomas Mocenigo successe lo Foscari et stette anni circa 34 Dose, et poi successe M. Pasqual Malipiero, et poi M. Cristoforo Moro, et poi M. Nicolò Tron, et poi M. Nicolò Marcello, et poi M. Piero Mocenigo, et poi M. Andrea Vendramino, et poi M. Zuan Mocenigo, et poi M. Marco Barbarigo. — Nota sotto lo Foscari fo conquistado Bressa, Bergamo, Crema e Ravenna.

1431. Vignirono li Ongari a Rosazzo. Vignì del campo el conte Carmagnola cum la sò compagnia, et la sua zente remasi a Conegian, ma venner li Capitani sottoscritti cum tutto lo so exercito, zoè Magnifico Tadio Marchese di Ferrara cum 800 cavalli, et lo signor Pietro

Zuan Paulo Orsino cum 1000 cavalli, el conte Alvise del Verme cum 1000, el Sior Alvise de San Severino cum 1000, el signor Talian Furlan cum 700, el Sior Mantin da Faenza cum 700, Baptista de Capes cum 700, quelli de Tolentin, lo Falza et molti altri condottieri.

- 1431. Morite Papa Martino Colonese et fo de Carlevar, et fo fatto Papa Eugenio Condulmer, et poi fu fatto Papa Nicolò Zenovese, et poi Papa Calisto Catalan, et poi Papa Pio Senese de Pizohomeni, et poi Papa Paulo de Chà Barbo zentilhomo de Venetia. Et poi Papa Sisto Zenovese.
- 1433. Fo taiada la testa al conte Carmagnola, et fo la brosa grandissima.
  - 1436. Fo taiada la testa al signor Marsilio da Carrara.
- 1437. Fo principiada la Giesia de San Vito, et fo lo fogo a Glemona et brusada quasi tutta.
- 1439. Nicolò Pizinin tolse Verona et lo conte Francesco (Sforza) la recuperò et fracassò Messer Pizinino.
- 1443. Annibal (Bentivoglio) intrò in Bologna, et fo danezado Francesco Pizinin et la Signoria de Venezia dette soccorso al ditto M. Annibal, zoè M. Rubert cum 800 cavalli. Nota di Signori di Faenza, zoè il signor Criudazzo, et lo sig. Astor et lo conte Luise del Verme, et le lanze spezzade del Duca di Milan andarono in campo appresso Bologna et fò tolti più et più Castei, et era in campo un zentilhomo Bolognese Canedulo et ritrovaime mi Zuan de San Vito.

Nota in ditto millesimo la zente d'arme della Segnoria a Cerpold rompino lo Duca d'Urbin, Nicolò Pizinin et Robert de Mont Albot, et più zente d'arme li quali erano allozati in Romagna, a Mont de Lauro et de la Tomba sopra la Foja.

- 1445. La Signoria de Venezia dette Aquileja, San Vito e San Daniel al Patriarca Lodovico Padoan.
- 1446. El Signor Talian Furlano era Confaloniero de la Giesia: el Patriarca Ludovigo Padoan gli fece tagliar la testa a la Rocca Contraria (Contrada) in la Marca et in quello millesimo gli fece tagliar a Giacomo de Gaivan in quello medesimo logo.
- 1455, de Marzo vegnì Monsignor de Cà Feleto Vescovo de Concordia, e morite lo dì de S. Luca 1488, et lo Vescovo Chieregato tolse la possession, zoè lo Piscopà adi 17 avosto 1489.
- 1463. Adi 9 ottobre si levò lo campo da Trieste, zoè lo campo della Signoria.
- 1467. Bartolomeo da Bergamo andò in Romagna et venne dall'impero la zente contro Don Ferrant et lo Duca d'Urbin et fò fatto uno grandissimo fatto d'arme alla Mulinella et fò morta zente assai dall'una e l'altra parte et cavalli.
- 1469. Fonno banditi li grossoni et grossetti, et batterono Troni, Marcelli per la Signoria de Venesia, et fonno bandizati li grossoni et disfatte quasi tutte le monete d'Italia.
- 1471. Fò perso Negroponte e la Signoria havè lo Regno di Cipro.
- 1471. Corsono li Turchi presso Udine et presso Cividale, et brusarono Mortean et più ville.

- 1472. Fò banditi li grossoni et grossetti.
- 1477. Lo di di San Bartolomio lo campo de la Giesia et de Don Ferrant vignirono a Motò et in ditto millesimo forono le locuste.
- 1477. Adi ultimo octobre fino al dì de San Lonardo li Turchi rompono lo campo della Signoria, et piarono presoni assai et brusareno fino a Cordenons et Bannia, Praturlon, San Zuan, Casarsa, Sil, San Florean, Gleris, Ramusciel, Morsan et Bant, et ville altre assai et de là del Tajament brusareno Poz, Quader, Blauz, Rosa, Chiamin, San Vidot, Claunich, Villa de Varmo, Madris, Santa Mariza, et molte altre ville.
- 1478 de Luio. Li Turchi passarono lo repar et andarono per lo canal de la Ronzina et brusarono Biustagno, Ceia et più logi, et in la Badia di Biustagno se affogò più de 300 persone.
- 1478. El campo de la Giesia et de Don Ferrant andò contro Fiorentini et la Signoria de Venetia ge dette soccorso più zente et tra li altri el conte Carlo de Monton che morì et fu sepolto a Cortona.
- 1479. De Carleva (carnevale) fo fatta la pase tra la Signoria et lo Turco.
- 1482. Andò lo Campo de la Magnifica Signoria contro Ferrara et contro lo Duca Hercule et stette mesi 22, et fo fatta la pase cum questo, ch' el remanesse tutto lo Polesene alla Signoria.
- 1485. Lo sig. Robert de Rimine Capitano de la Signoria de Venetia in favor de la Santità del Papa Sisto rompe lo Duca de Calabria cum grandissimo honor.

In lo ditto millesimo Ser Fant de Richier et Ser Bartolomeo da Valle menarono li Ongari a Cordenons, et subito se levarono perchè vegnì una gran zente d'arme della Signoria in quello.

1487. Da Nadale la Santità del Nostro signor Innocentio Papa IV. fà lega cum la Signoria de Venesia.

In ditto millesimo adi 27 febbraio lo dì de Carlevar fò lo terremoto in Ancona.

Nota, li Tedeschi al nome del Dose d'Ostarich tolsero Roveret de Trento et lo sig. Zuan Maria fiol del sig. Roberto Sanseverin combate cum un signor de Sassonia, el ditto Zuan Maria have lo pezo per ogni rason.

Nota, la Signoria di Venesia recuperò Roveret, et tolse più et più logi al ditto Dose d'Ostarich. In lo dì de S. Laurentio li homeni de Trento arsaltò lo Campo de la Signoria, et se amazò zente assai de la Signoria, et fo morto lo sig. Roberto de San Severino, et lo signor Zuan Francesco da Tolentino; et lo conte Guido di Rossi cum certe zente d'arme amazò ben mille Trentini et subito fo fatta la pase.

1487. Fo fatto M. Agostin Barbarigo Principe.

1492, d' Avosto morì Papa Innocentio et fo fatto Papa Alexandro Catalano Sesto. — Nota che del detto millesimo, el soprascritto Papa, la Signoria de Venesia e lo Duca de Milan hanno fatto lega.

1493. È venuta novella che lo Imperator è morto, et questo de agosto.

Papa Alessandro sopradetto, 1493 le quattro tempori di Septembre ha fatto Cardenali sei, a nome de sei Regoli. Un prima a nome della Magnifica Signoria, uno a nome del Duca di Milan, et uno a nome del Marchese de Ferrara, et uno de Parma, et due altri.

Nota morto lo Cardenal Lodovico soprascritto, successe Papa Paulo II. et poi successe al Cardenal Marco Barbo, et poi successe M. Almoro Barbaro, et poi successe el Patriarcha Niccolò Donado, stè anni 4, morì del 1497 adi 10 Septembre. — Adi 12 Septembre fo fatto per lo Consejo de la Signoria el Cardenal Grimani Patriarcha.

1495. Lo Patriarcha Niccolò de Cha Donado disse la sua Messa novella d'anni sessanta in Udene in Mercha novo, et fo privado de colpa et de pena (cioè pubblicò Indulgenza plenaria).

1494. Re Carlo viene in Italia, se rese Bologna, . . . . Faenza, Furlì et molti logi in Romagna. Andò in Toscana, havè Pisa, et Fiorenza li donò de ostazo 1000 Ducati et più.

1495. Lo di di San Silvestro andò in Roma lo Re de Franza, et a di primo april lo Papa, lo Re de Romani, lo Re de Spagna, la Signoria de Venesia et lo Duca de Milan hanno fatto lega.

1495, adi 6 Luio. Lo Re de Franza cum lo so exercito fe fatto d'arme cum lo Campo de la Signoria in Val del Taro dal Pontremol, dal Pont del Met in Parmisana et fo morto delle persone 800 d'una parte et de l'altra. Fò morto lo Duca de Borbon, zoè lo Bastardo, et più Signori de quelli della Signoria. Fò morto el sig. Rodolfo de Mantoa, sig. Ranuz de Frenes, sig. Zuan Francesco de Gambara, Vincentio Cors et più altri. Et in quelli zorni l'armada de la Signoria ha avudo in Puglia Monopoli.

1498. Adi 1 novembre lo Patriarcha Domenego de Cha Grimani disse la sua messa novella in Aquileja et fò privado de colpa et de pena, et mi Zuane de S. Vito foi

a tutte do le messe (cioè anche a quella del Patr. Donado, da lui innanzi riferita.)

1498. De S. Martino in fin a Nadal fo pioze, montane assaissime tra et le altre montane fò lo Tever di Roma in Roma, et annegò più de 5000 persone et menò via palazzi et case assaissime

Prophetia de Puglia. — 1492 Popolo sta in uno. 1493 Re d'Italia sta in tre: del 1494 sarà tradita la Signoria di S. Marco. 1495 el Formento e l'Orzo valerano Ducati 25 lo carro. 1496 saranno distrutti li Zudei. 1497. Ogni homo dirà ben state. 1498, ogni nave sarà in portò. 1499 non se appretierà nè oro nè arzento. 1500 el gran Dio farà li soi Consei. Questa Prophetia è de S. Cathaldo.

1499. Circa Avosto, el Re de Franza tolse Milan, Pavia, Parma, Piasensa, Modena et tutto de la del Pò; et a quel modo lo Duca de Milan perse ogni cosa.

Et all' ultimo di settembre li Turchi corsero in Friul et corsero fino a San Cassan del Mesco, et foron presi, et morti de le persone più di 10 millia. Brusarono Cordenons, S. Querin, Roveredo, Fontanafredda, Talmassons, li del merchà del Rover, la pieve d'Avian, Sant' Advocà, S. Martin, S. Lunardo, Grizzo, Malnins, Manià Livri, Tesis, Turrida, Pantianins, Mortean et più ville, et trascorsero tutta l'Histria.

E nel ditto millesimo la Signoria prese Lepanto. Li Stradiotti corsero per tutta la Morea, et fecino un gran bottin.

1508. adi 2 marzo la Illustris. Signoria di Venesia racquista la Pieve de Cadore cum la fortezza la qual el Re Maximiliano havea tolta per zorni XI avanti, et li for morti de la zente del Re ben 2500.

Adi 10 aprile, Cormons ch' era del Re Maximiliano

se lo acquistò la Illustris. Signoria di Venesia a hore 16 et per questo se diseva fonno morti fanti da pè della Illustr. Signoria solamente 50.

Adi 20 april, la Signoria mandò il primo Provedidor in Pordenon et in quel dì, quelli de Pordenon se renderono.

La Signoria have Goritia, fò 22 april et in ditto millesimo 6 marzo have Trieste.

1509 Adi . . . . de Mazo, Pordenon fo renduto al Re Maximiliano per la Illustris. Signoria.

Adi XI Luio, Belgrado fu rehavuto per la Illustr. Signoria e Codroipo.

Adi 28 Luio, Pordenon fu rehavuto per la Illustris. Signoria ut supra.

1509. Padoa fo data per la Illustris. Signoria al Re Maximiliano, la qual dapoi mesi due e mezzo fò rihavuta cum gran victoria. — Item vense el Campo del Re Maximilian sotto Padua del 1509 del mese d'Agosto, et stette cum el suo Campo fin adi 3 octobre, in el qual Campo era persone cento e cinque millia, et de lori forono morti sotto Padoa, ben vinti millia, come se divulgava, et delli nostri in tutto non furono morte al più persone venti.

1509. Adi 11 Octubrio. Castelnovo de Friul fò tolto per forza per li Magnifici signori Savorgnani cum la zente de le soe giurisdition, tanto zoè per Messer Antonio et Messer Hieronimo: a nome della Illustr. Signoria a lui et alli soi heredi fò dato in perpetuo in feudo.

Adi 27 Febraro, uno chiamato Mes. Alvise de la Torre, de li primi Cittadini di Udene et Nobile de la Patria del Friul cum alcuni Cittadini et Nobili de questa Patria furono morti e sachizati et brusate le lor case in Udene et Castelli che havevano et questo fò fatto per alcuni de villa di questa Patria: la cason perchè di questo non si sà, ma per parole di piazza se diseva che lui Messer Al-

vise et li preditti erano rebelli contra il Stado de S. Marco, la qual cosa imperò mai non si trova esser vera.

- 1511. Adi 3 Marzo, Spilimbergo cioè il Castello tanto pur per homeni de villa di questa Patria fo sachizato tutto zò che si trovava in esso Castello, et poi brusato tutto. Non remagnete casa in esso Castello, et poi forno sachizati altre case d'habitation che tegnivano le lor robe de tutti li signori Consorti d'esso logo fora del Castello che non remagnete casa alcuna, salvo della casa di Mes. Tiberio et de soi nipoti fioli del q. M. Hercules fradello di esso M. Tiberio, signori e Consorti li de Spilimbergo, et la cason di questo gran fatto non si sà.
- 1511. Adi 16 Septembre li Tedeschi vensero in Friul, et la Maiestà del Re Maximilian have la Patria del Friul et la tense zorni 56.
- 1513. Adi 13 Dicembre Maran fò tolto alla Illustris. Signoria de Venesia per el sig. conte Christophoro de Croatia, Capitanio de la Sacra Majestà del Re Maximiliano, cum certo mezzo de uno prete detto Bortolo Piovan de Morteglian, lo qual fu preso a Cordovato et poi redutto a Venesia et li fu appiccato per uno pede vivo.
- 1514. 12 Febbraro. Udene, Cividal, Spilimbergo cum el resto del Friul quasi fin alla Liquentia se rendette alla Majestà del Re Maximiliano.
- 1514. Adi 15 Febbraro, per nome de la Sacra Majestà del Re Maximiliano el signor conte Cristophoro Capitanio suo general cum el suo exercito zoè per quanto se diceva de otto millia persone, in zorno, soprascritto andoreno sotto Osofo e lo sbombardarono 48 zorni de longo, in el qual Castello et monte de Osofo era per nome della Illustris. Signoria de Venesia el Magnifico Messer

Hieronimo Savorgnano Patritio Veneto, cum el Strenuo Messer Theodoro conductiero de la prefata Illustris. Signoria, El detto Castello et monte d'Osofo era del prefato Magnifico Mes. Hieronimo de patrimonio. Tandem vense el signor Bartolomeo Illustriss. Capitanio dell' Illustris. Signoria de Venesia cum tre millia tra cavalli lizieri et fantazini, et tolsero Pordenon per forza. In el qual logo era circa seicento homeni soldadi del Re Maximiliano, et li havè tutti cum li cavalli, et Pordenon a sacco, et poi subito andoreno alla volta de Osof, et discazò lo exercito del Re cum captura de circa 200, et tolseno parte de l'artigliaria del dito exercito, et Osof fò salvo cum tutti li homeni ch'erano li, salvo che sei soli forono amazadi, et in quelli zorni el Re Maximiliano havè la Patria solum zorni 48, che fu recuperata per la Illustris. Signoria de Venesia sendo Dose Messer Lonardo Loredauo, Logotenente in la Patria Mes. Antonio Baduer, et Provedador Mes. Zuan Vitturi li quali Dio possa sempre mantenir in bon stado.

1539-40. Sciant Posteri, come delli 3 giorni del mese di novembre 1539 fin all'ultimo giorno del mese di Marzo del 1540, che quel giorno piovette, mai per avanti nel mondo ha piovesto, ne è fatta neve di sorte, che è stata nel ditto tempo grandissima siccitade, già da molti anni in quà non vista una simile.